

沅  
湘  
耆  
舊  
集

沅湘舊集卷第六十一

新化鄧顯鶴湘臯編輯

長沙毛國翰青垣校訂

張詹事明先一首

明先字雪書安鄉人康熙乙丑進士改庶吉士授  
職檢討累官左右春坊中允終少詹事

紀

恩詩自註時蒙賜  
御書一幅及端  
鑑類函佩文韻府各一部恭紀

廿年芸閣效虞颺此日身親荷寵章詔與上公齊入殿頒  
同秘冊貯連箱驚看睿藻星雲燦豈但高文日月光竊念  
臣才如拆綫聽將天語倍慚惶

李進士樸大三首

樸大字爾雅永興人康熙戊辰進士因母老不仕  
以經學教授里中資修脯以養有松濤閣集晚卜  
築義莊學者稱義莊先生義莊於衡陽二王爲年  
家予嘗爲石崖先生志墓集未見

### 金花巖

居然別一境天半落危峯徑寂招閒鶴巖深臥老龍夢疑  
星斗近香覺雨花重坐定忘塵世孤吟倚石松

### 松濤閣雜詠

千嶺層陰覆地賒虬龍蟠結老槎枒翠鋪洞口連峯合晴  
靄林梢漏影斜誰共歲寒堅晚節相期古道傲霜華新雲  
不礙舊雲住長與松根鎖石霞

半掩松扉獨倚門  
隔林煙火近黃昏  
雲陰散作千山雨  
夜靜如澆萬壑魂  
小澗新流添細響  
遠天歸鳥失前村  
蕭蕭薄暮空齋寂  
溼透寒窗紙上痕

文府尹志鯨一首

志鯨字石濤桃源人康熙辛未進士改庶吉士授  
職檢討侍直南書房授浙江學政以誹語改邪  
州牧又改瀘州仁廟旋燭其誣引見動容曰  
州牧非爾職仍居翰林尋督左春坊左中允日  
講起居注官升侍講擢鴻臚寺卿授奉天府丞兼  
學政轉左通政升奉天府尹復以辦振御下嚴致  
騰浮議上素知其廉不爲動卒於任公以文學

受 仁廟特達之知屢迫謗議卒蒙原宥蓋其  
自立者素矣公學問淹博 聖祖曾召問河洛異  
同稱 旨詩不多見僅從方志得一首殆韻語非  
所習云

衡山留別玉山九畹子才諸兄

派衍廬陵世澤長播遷猶共楚南疆雲開嶽頂芙蓉燦波  
湧沅江杜若香繩武君能承舊德紹衣余實愧前光虎符  
大業今誰繼相看庭階鳳羽翔

按文待詔徵明其先本衡山人故自號衡山示不忘本也方志載其送家姪歸衡山詩二首云文武家聲自宋元忠賢德澤至今傳江湖相望四千里諸牒源流五百年喜爾衣冠能復始愧余潦倒不如前鄉里相見還相別日送春雲思惘然南望衡陽舊總門虎符元帥有諸孫山川表正懷桑梓水

木君能念木源兩地衣冠曾不乏百年忠孝至今  
好祖遺不盡相留意狼藉秋風酒滿樽拳拳故土  
如此於以見衡山文氏之由來  
遠矣輯府尹詩因附錄於此

譚主事尙箴一首

尙箴字克非衡山人康熙甲戌進士官雞澤縣知  
縣擢吏部文選司主事

中山寺次堵中丞詩版韻

探奇不憚徑環彎况復煙花滿翠鬟秋老禪雲眠洞巖林  
深孤鳥吐音蠻憂時涕淚寒江外轉戰河山古寺閒想見  
當年吟嘯處山光寂寂水潺潺

按堵公提一旅轉戰楚粵閒屹然爲湖湘保障有  
江樓十憶詩極其沈痛和公詩應有此意惜不見  
公原作

鄒吏部世任 四首

世任字太冲號宗山鄒人康熙甲戌進士由陝西  
眞寧知縣累官吏部稽勳司郎中鄒氏自良崖  
先生祖希閔父承芬以孝友行義世其家至吏部  
之子孝廉肇杰凡六世矣而時人罕能言之吏部  
與湘潭張大令文炳善南麓集中有賀鄒太冲成  
進士詩所云一代大儒膺上第十年宰相戀神仙  
者也其傾倒如此居官尤多善政有貽嶽堂集未  
見

謝康三枉顧眞寧署中爲賦四詩

作吏邊庭苦蕭然老大心風雲消歲月土梗任浮沈塵甑

遺炊釜竈雕欲起林吹簫當洞口似爲叶知音

不謂偏棲地猶蒙僕被過山川關俗舊風節漢庭多輪聚  
思邊策還山憶塞羸黃知雄顧盼攜手意如何

盛氣真無敵文章直邁今琴山初對面湘水舊盟心已任

秋容老那堪寒霧侵爲憐遊子意痛哭一沾襟自注時有諸父之戚

寥落辰星會秋空一鶴鳴吟詩添郢客問俗厭秦筭祿薄

酒難得霜寒菊尙明暫邀冰閣月今夜對盤清

海錢唐鳳翥一首

鳳翥字羽見號石亭衡陽人康熙甲戌進士官北

直龍門縣浙江錢塘縣知縣祀龍門名宦

春暮遠遊道經蒸江寫懷



扁舟昨夜唱驪歌今日蒸江載酒過半梢輕煙繫岸轉一帆細雨受風多閒情漫數平沙鳥世事驚看水面波獨撫牙琴彈古調知音前路復如何

車編修鼎晉

八首

鼎晉字麗上號平嶽都諫萬育子康熙丁丑進士改庶吉士散館授編修著有天竹山房詩集十卷雜著十二卷先生幼敏悟器宇深沈七歲能詩有蟲鳴聲在土句入翰林習國書散館典粵西試復命後以父病乞假歸省都諫卒仁廟南巡特召校全唐詩以憂辭復奉詔開局江南乃受命赴行在隨傳試恭和御製回舟至常州府

是夜甘霖大沛元韻詩成拔置第一越日恭送回

鑾上卽命隨 俾側問其父萬育病卒狀甚懇

且 諭安葬金陵服除視學福建閩人德之立生

祠試畢有濟河之 命閩士知其貧爭捐金助聞

撫上其事奉 旨卽賜鼎晉清逋資償工值竣事

乞假歸奉母不出會兩弟以書案牽連罹禍憂憤

旋卒車氏世擅書名編修筆力尤超絕人以比大

令之于右軍詩宗法甚正情散佚茲從車氏譜搜

得數首又邑子魏源默深幼時及見所書詩二并

錄入先生名父之子以氣節自負晚遭家難遂不

復起鄉曲訛傳致爲可笑余於資江耆舊集中旣

備錄漳浦安溪兩公造士碑文復申論於此俾後  
生小子勿輕議前輩云

家書至

人生莫浪遊遊子歲月費忽忽已二載千里憑滄寐雙魚  
自南來一月凡兩至知子莫如父一字一行淚不憂才閼  
明所冀德真粹君子慎交遊肝膈良不易丈夫志四方盤  
根別利器長安遊俠多雲物翻手異春風拂面消寒霜骨  
如刺窗虛好月來壁立殿廳至願言苦饑寒勿使家聲墜  
秋夜寄懷兩弟四首末詩并囑其歸試

記得芸窗苦頻年細論文前程欣有路回首恨離羣風景  
殊南北韶光惜寸分遙望千里外寄語倍殷勤

最是懷人候更殘月一庭相思常入夢顧影獨憐形露漚  
輕團白天空遠送青故園花萼下應有幾囊螢

堂上雙垂白秋風思黯然如何遊宦日不異舖兒年奉職  
愁無狀倚門私自憐君親恩並重努力共仔肩

三山秋色好可似故鄉無黃鵠摩霄漢晴川展畫圖風偏  
吾楚大才亦及時需休戀秦淮水歸緝湘上魚

### 遊北塔寺

出郊忽數里流水漸潺湲似入山陰道恍非人世閒幽林  
時鳥語古陌半花殷尙憶東峯寺離離雲抱環

### 試院口占

鎖院風清澹碧天一般辛苦記當年主恩拔向稼穡後

自注鼎晉各願後家訓嚴於鼎鑊前自注老父手月引紅

蒙恩越次典試自注棘闕後菲才人地相宜

好賦不能迷五色篇

失題

玉筋篆文古銀鈎楷法精得知千載下時有打碑聲

陳進士雅琛一首

雅琛字獻元號喬山益陽人康熙庚辰進士司理有光之孫司理殉難死雅琛作蔡忠烈別傳論中附及之以古文名詩不多見

與友人同客湘潭作

半月同爲客雄談亦快哉酒酣裘已去詩就雨初來雁影

終朝度鏡花逐夜開湘中清絕地何處可登臺

楊編修緒十首

緒字冑遠號朗溪武陵人閣部弱翁孫康熙癸未  
進士官編修因事削職回籍拘禁久之以潛往桑  
植事覺下獄尋赦免卒於揚州朗溪名家子緣事  
被錮宜多悽惋激烈之音今所存古近體不多語  
殊和平無噍殺氣

奉贈潘南垞同年用留別張十紅洲韻

幽咽辭隴水馨香采楚澤采采將遺誰美人悵疇昔容華  
萎秋草衆芳吁可惜蟋蟀促歲寒畏作遠行客我心歎西  
悲故人靡所適願化雙飛龍翱翔天海碧

次韻答南垞

爲客經年久征西，昨始還笑談餘紫氣。  
風雪老蒼顏，詩紀兵戈裏。身歸嵩華間，一竿仙洞近。  
共作老漁閑。

舟中雜興

暫別湖光好，薰風入夜清。  
亂星搖碧落，野水漾空明。  
山作留人態，鷗知送客情。  
長淮一回首，雲樹望中生。

山行

霜徑入岩堯，寒雲鎖斷橋。  
碎泉穿石罅，禿樹倚山腰。  
巖僻鳥巢穩，林深虎氣驕。  
一鞭乘曉霧，未覺客程遙。

雪霽登郡城西樓

憶向春明聽曉鐘，豈期歲月老孤筇。  
十年已鑄身爲錯，一

劍猶存氣是龍  
閱世久經三折臂  
看山盡似九疑峯  
只餘傲骨支霜雪  
新製漁蓑當紫茸

落葉

見說深秋氣候殊  
雕零萬象到虛無  
擊殘鳥翮漫空墮  
戰敗龍鱗滿地鋪  
楚塞風高憑遠送  
吳江水冷尙爭趨  
炎涼歷盡羞時態  
獨對西風賦集枯

邢臺道中

身因跋涉翻成健  
詩到窮愁總未工  
羸馬尙驕風雪裏  
敝裘消算酒緡中  
虛名已付浮雲白  
好景還看落葉紅  
自分壯心消歇久  
不須搔首問蒼穹

春日述懷



久脫簪裾出國門卜居還傍綠蘿村  
花開洞口紅千片月落山前碧一痕  
自喜妻孥勤餉饁偶逢親舊話寒溫  
倦來細把離騷讀惆悵誰招楚客魂

獄中初度日用坡公繫御史臺韻

一寸葭灰早逗春寒威漸遠狴犴身  
驚逢初度懸弧日自笑餘年再世人  
筮易久知車載鬼賦詩空有筆如神  
幾時得報君恩重欲向來生問夙因

霜清月冷夜淒淒往事追維首重低  
年齒遞加空類馬形骸雖木不如雞  
過庭荏苒愁諸子斷織慙慙負老妻  
卻憶沅蘭香渺渺美人遙指水雲西

段新安蠟生

二十一首

嶽生字相山號柱湖常寧人康熙丙戌進士考授  
中書出爲福建上杭知縣改廣東新安以艱歸服  
闋再起坐事削籍有茶竹園文集柱湖詩草柱湖  
負才傲岸所至忤其上官爲童子時值僞周僭號  
於衡脅之試不應僞官試之云附于大邑周柱湖  
應聲曰以待天下清其敏如此與陳恪勤公善恪  
勤被論時以其子樹萱樹芝見託柱湖攜歸邑南  
之藏山飲食教誨數年事解乃歸恪勤任河督柱  
湖助之宣洩動中機宜云詩不多見閩人鄭方坤  
爲國朝詩人小傳吾楚獨列柱湖蓋方坤舉鄉  
試實出柱湖門云

附錄方坤柱湖詩鈔小傳先生負天人姿過日成誦於當世知

名士罕所許可顧方坤獨蒙殊獎每進一篇未嘗  
不稱善當是時雖童昏無知亦深感知己之難逢  
而得出大賢之門下爲可樂也先生猷猷懷方又  
嫉惡過嚴坐是不能久於其位澈上杭未一月而  
遁受交代之難作解任質審時逼交者爲汀洲吳  
守故以婪賄聞又廣交遊盛黨援吠影吠聲流言  
四布大中丞聞之意不能無少動先生卽作書上  
撫軍直陳其事中云就使卑卑縣賤不敢言而敢怒  
大人得毋內愧於心而况卑卑縣強成性固非不  
敢言者也書入時大中丞爲粵海清端陳公固大  
賢壯其言亟予昭雪起復原官補廣東新安令不  
數月丁內艱服闋再補縣坐條陳言事創籍歸里  
十餘年卒先生負經濟畧坎壈纏身終憂護畏譏  
以死將所謂鷺翩不銖龍性難馴者耶先生之宰  
上杭也陳滄洲先生送之以詩有曰事當盤錯難  
何避功在澄清志弗違又曰車經九折途原險口  
記三絨道自眞識本幾先符徵事後讀者歎爲如  
神之照不知兩先生情意既孚志趣亦合坐陳已  
事慮遠思深乃遂苦燭照而數計耳何詩議之足  
云又宜陽詩選釋緒庵傳畧云初邑先輩段柱湖  
之父垂可公與緒庵訂方外交甚密相距十餘里  
時相往還嘗謂段公曰異時者吾將爲爾子矣公

強其語妄一日坐中堂召弟子侍左右作偈曰平生事出人頭憤騎石馬上高樓而今撒手端然去一輪明月映江流端坐而逝時康熙乙卯冬月也是夜將半段公忽聞叩門聲曰某緒庵也役戶不見其人而杜湖適生翼曰乃聞緒庵已圓寂矣越數歲緒庵之徒夢其師囑曰明晨我當入寺須掃徑奉香以俟著綠袍者我也次日段公攜杜湖入山而杜湖衣綠襖僧備述相與嗟異後杜湖遊法雲山見偈作詩曰我於乙卯來塵世君脫塵樊乙卯年爾我去來渾不解月明依舊滿前川

中秋前三日集熊澄山學士齋頭看月次陳滄洲韻

大隱在市塵小隱在林野終南苦奔競柱下何博雅步出西掖門風塵轉清灑白衣侍聖人何必衡山下涼月散秋林花光碎如瀉繽紛金莖露輕盈詎堪把雲際飄天香衣冠何處惹慮澹物自空新詩任傳寫

九龍山有引

九龍山在汀州府異蛇傷人蜈蚣爲魁醜類散處連城  
武平上杭諸山流毒日酷感而傷之遂作此詩

鄞江之山蘊九龍斬巖岵羣所宗陰風慘冽煙霧濃誰  
其尸之老蜈蚣修翼衆足身鬢鬆吮人膏脂如吮癰吾聞  
咸山彘毫等虬松吞噬百族恣朝饗陽山儼然亦人面叱  
呼巨浪崩崇墉又聞渾夕之山肥蠃螯出則大旱傷三農  
老蜈氣禁誰爭鋒驅使三蛇如莽蜂流血成河骨成封卽  
今討賽咿啍傾淥醲雌黃點額非無容人情畏爾實洵洵  
頻呼朱朱啄爾胸安得義鵠老拳折巨顙使爾尾掉腸穿  
浣纖茸君不見雄虺九頭呈奇凶蠶食九山誰敢攻夏后  
殺之如驅蛭死猶偃僵首南衝又不見神速姑解語穴旁

識奇蹤龍錫金佩壓璜琮何不直取楫楸獻九重頭角不  
捋將安庸血腥泥土鑄鼎鐘魑魅魍魎莫能逢龍山依舊  
雄諸峯霖雨蒼生風雲從

弔陳康公

中原逐鹿羣雄起王侯無種爭未已沔陽漁子著赭黃夥  
涉沈沈同姓氏壽輝骸血模餽渠是吾家所立耳況復  
剽悍類重瞳叱咤風雲誰仰視鄱湖不有韓大夫天下之  
事大定矣吳楚東南半乾坤一朝輿尸歸漢水桓桓將軍  
亦壯哉殺身成仁答知己武昌城上插降旗素車何人小  
子理此閒殊樂無所思丈夫生兒乃如此至今墳上柏數  
株大者乾枯小者死不是悲風勝嚴霜改柯易葉胡乃爾

君不見金陵城外天壽山倒臥麒麟遊鹿豕與君同占土

一杯河山帶礪誰家是

按宜陽詩選相山三楚集有祭漢王陳康公墓文  
自注云王墓在楚泉周垣內每月夜風清則龍袍  
玉帶徘徊山隈守山者咸見之或直入官署則必  
爲厲春秋奉祀惟謹歲甲午觀察使張公屬余作  
文祭之遂減

九日泊舟朱亭

綠淨湘江水歸帆客況消重陽誰送酒九日不登高季子  
金將盡阿咸興頗豪遙知音信絕老父念波濤

登迴雁峯

迴雁弁湘嶽登臨四顧雄雨餘青未了風靜綠浮空湖海  
乾坤外關山楚粵中回看南北郭萬竈裊煙籠

對雪

泉峯傾玉宇煙水瀉銀河如此江山上空中色相多麻衣  
方釋服楚曲不成歌淚盡紅冰墮霜髯任折磨

望祝融峯

九面隨湘轉長空一縷青乾坤支砥柱日月度浮萍吐焰  
凌虛直含毫入霧冥何當歌絕磴俯視極滄溟

偶興二首

蠻音無一字翻譯勝奇書破斧燒龍虱鉤刀刮鱖魚貧窮  
知亡少患難故人疏每悔交遊易吾儕合閉廬  
有客來相過嗔予禮法疏爾當言爾志吾亦愛吾廬遣興  
三杯酒消閑萬卷書邇來無一物何事可關渠



秋日漫興次滄洲韻

征鴻今日到衡陽人立江千秋夜涼敢向親闈稱老大生  
當聖世任疏狂元臣出塞空邊戍老將屯田裕漢倉自  
是廟廊多勝算天涯客子正飛觴  
經濟文章第一流白衣晚出鳳池頭無妨機密咨陳遇豈  
必山深有許由塵不污人聊免俗酒如知己倍銷憂釣絲  
擬向晴天理何日漁蓑江上浮

又和滄洲韻二首

不須犬藥駐朱顏膂力方剛鬢未斑塞外草肥誰牧馬燕  
然天遠欲銘山應思我輩分陰惜豈覓人生半日閑壯士  
功成身始退河清海宴待君還

秋風聊一破愁顏回首家園淚欲斑日近有人來漢水雲  
開何處望衡山未霑微祿二親老無補天朝半世閑款段  
都門成底事擬從湖上拂衣還

無米簡陳子京二首

誤落塵樊負此身秋風迴首一傷神百年三萬六千日半  
世東西南北人無米作炊方是巧有錐堪立未爲貧自隣  
奔走空皮骨冷炙殘杯共苦辛

侯門嚶啞向誰親祿米朝朝乞故人宋玉悲秋同作客自注  
時宋北山陳遵投轄數留賓水晶瓜嚼炊雲子琥珀杯濃  
館陳署切細鱗努力加餐堪一飽歸來范甑已生塵

歐冶子池次韻二首

磨洗沈沙鐵盡消清池月照海門潮會寒秋水冰三尺無  
復長虹纔兩條橫浦樓船聲已壯武陵犀甲氣何驕刀環  
知落阿誰手風雨冥冥可未澆

無諸伯業已全消秋水寒煙趁晚潮可惜金環辭雪鏐空  
煩玉液淬冰條波騰紫電妖星落浴罷青龍瘴雨驕惆悵  
越王池上月年年清泚倩誰澆

### 九仙山次韻

越王臺枕越王城長嘯遙空一劍橫金積園中秋草沒仙  
人牀上落霞平山連西北雲閒出天盡東南海外清聞道  
同人饒逸興何年騎鶴到瑤京

過豈石兄弟話

按此詩亦見  
畊雪堂集

攜屐東臯手自搔談詩誰足擬韓豪爲拈頑石頭陀句自注  
讀郭天門先生集頓覺孤峯氣象高谿谷出雲霾日月雷霆瞰夜  
戰風濤轉疑丈室神明意欲獵奇書搜寶刀

詠史二首

五世相韓張子房千金散盡報君王如何六國銷封豕不  
乞韓宗一瓣香

銅雀高張四望空中原席捲趁東風周郎無復匡王志斗  
大荊州絆兩雄

曾州部世琮四十二首

世琮字虹受原名用璜字蟠巖湘潭人康熙己丑  
進士官刑部主事有耕雪堂集蟠巖父啟先明末

從戎爲何文毅騰蛟所拔識獻忠陷武昌文毅瀝  
血書令啟先上變烈皇召對手賜詔書獎以金帛  
入國朝嘗應經畧洪承疇聘單騎諭降羅部鐵  
溪諸城不受官吳逆之變脅受僞職負母遠遁得  
免虹受詩集中有讀父訓十章所云元禮高門親  
嶽瀆何蕃孤節動星辰者也虹受有至性父歿值  
荼寇亂舉邑奔竄賊至見虹愛哀毀獨處櫃側舍  
之耕雪堂集十卷潘稼堂汪士鋐張豈石陶五嶽  
皆有序推賞備至

寓懷

延岑挺高寒朝陽銜其椒江水激以塢千尺何謇謇蒲柳

無霜節箇路無寒雕枳橘不易地涇渭不同條不有砥俗  
姿何由辨淳澆

簑區躍雙丸飛擲無停隙萬景變明晦瞥忽多陳跡開軒  
蔭長松清興彌晨夕梧露響秋蟲花香盎春碧物化拓心  
胸寸陰於此惜

曉過匡廬西麓二首

清晨出東林霧重成涓滴衣袂盡霑濡木葉聞浙瀝臨流  
歎虎溪荒蔓誰剪剔蒙茸亂蒲葦墮廢堆瓦礫蒼茫問蓮  
社題詠空在壁三笑餘塵顏高風久岑寂

爐峯不可卽絕壑莽山煙九疊羃雲錦萬仞羃簾泉游氛  
射初旭谷鳥鳴翩翾我聞三石梁杳渺跨深淵金闕抱闔

涉清者集 卷六十一  
闔玉房棲婢娟何爲秦博士浮海求神仙

滇陽舟中五首

風帆雖便利篙工不得安水渾著沙渾水怒防高灘灘鳴  
石欲轉銛鏐藏驚湍洄流束層峽杳靄入雲端

兩巖矗飜飜削立分仗隊虧蔽成積陰空濛生靄霽垠塢  
射江痕灣環閭如黛虛谷響繁音猿鳥嘯晝晦

峽形羅怪譎險峻稱香爐怒崖勢奔攬傾仄相枝梧緯路  
抵崩塹顛躓憂須臾操舟困耶許慘切惟號呼

疊嶂劃然開江流匯空曲仰沫巨魚跳淩波孤鷺浴野人  
登山椒猿攫爭捷足疑是採藥翁青冥爲誰劄

前山莽回亘瀕洞聞風霆舟濺浪花白壁翻林影青獸踰

鱗甲動百物皆肖形安能叩眞宰馳石填滄溟

訪松莊楊系雲先生故里

種松根老寒雲生冰霜飽骨虬枝撐柴門月冷莓苔徑芳  
樹風淒落葉聲先生壯節傾湖海蠟屐僊舟如有待芙蓉  
列帳錦裁箋桴鼓騷壇麾壁壘自憶東臯稅駕歸傳經招  
隱遂初衣一壑一邱娛雪鬢漢陰野叟能忘機我旣揚帆  
走黃鶴念公坎壈杯中樂甯知幽谷遂長眠千里西風頻  
作惡此去幽魂不可招寒蟲促促雁蕭蕭夕陽衰草人安  
在問字亭前酒載澆湖水瀧瀧咽白石隴雲瑟瑟沈空碧  
都助南州孺子悲痛公千載歸窀穸紛紛仙佛靡于波少  
室祇園那得過達人自解藤州夢肯爲泉臺喚奈何指顧



滄桑如繞電再來華表人誰見北海應求死後書乖峴已  
立生前傳原注公絕筆詩云從今肯念松楸日暮嘯寒雅  
滿腔文藻付流霞只今走馬橋頭路無復山翁賦浣花

文起樓集飲

層樓壓水百尺強中宵更聯風雨牀曙窗延眺俯城郭雲  
煙翠羃南山陽平分湖嶽還高下勢扼朱鳥同迴翔萬樓  
遺構爭雄傑兩賢輝映杼繖緇吁嗟佛老溷愚俗琳宮梵  
宇生毫光畫手丹青萃塗繫檀施金粟隨取將攬茲形勝  
尊吾道君侯用意何其良當年戰壘哀猿鶴此地豐草蕃  
牛羊風流消歇絃歌廢勝蹟往往悲熊湘江渚一朝飛盡  
標天星六府垂文昌卽今祝史修登豆靈風肅燄雲滿閭

餽餘取醉開懷抱豪士未忍愁太康笑語喧闐脫形跡盤  
餐雜沓陳壺漿昭潭自古稱清絕豈有烏道迴羊腸空靈  
岸落澗江淨望衡九面風飄揚拾遺搔首行歌處生平詞  
賦追長楊飄零數變繁華地來往難覓詞翰場登樓此日  
緬文藻似說滄桑談混茫自是江山原有待誰去興廢難  
可量俯仰幽情真暢遂何必曲水誇流觴樓北還聞置講  
堂陶生健筆飽元霜學策大字題高閣龍蛇千載齊鍾王

送芥庵尊宿之白下

有引

芥庵湘中華族喪亂逃禪遂通千偈數十年閒往來吳  
楚城郭人民之悼久矣丁卯秋卜居道院謂碧山投老  
不負故吾乃破衲無歸煙波難繫復鬱鬱去斯土念其

垂白飄零贈以長句

黃葉西風十幅蒲此生差免笑窮途定情冷煖杯中水滿  
目星霜鏡裏鬢吾道窘於參滑石

原注方省  
試逐還

君行酷似暗

投珠暮然楚竹眠江浦不夢壺山夢大孤

### 戲簡山僧

短髮長歌老逸民衲衣高隱絕紅塵典翻貝葉都無字香  
入林花別有春每話存亡哀露電豈知色界豔金銀山閒  
微蕨難兼味多少攢眉欲去人

### 舟中雜興

楚江漁父唱歸舟人耳悲涼似枕流賈傳一生餘痛哭靈  
均千古負離愁烏嘯響咽城頭樹雁字煙迷水畔洲遙憶

南山叢桂隱臥聽風雨滿山樓

讀先訓述哀四首

白首閒庭淚眼涓酸心戎馬舊迹遭人如華表重來鶴事  
抵春山背泣鵲老益洽聞同柱史壯因嘉遯賦斜川此邦  
文獻雕零早誰付青雲字字鐫

少年蜚跡動楓宸

原注懷宗召對闕下事詳本傳

知己云亡記數人元禮

高門親嶽瀆何蕃孤節壯星辰人哀白羽青燐地情冷烏  
衣碧草春穩臥南山豪氣盡蠅頭書滿淚沾巾

投老浮名不厭卑行藏通計兩無虧巖局隱戀芝三秀湖  
嶽蹤餘劍一吹點壁書蠅甯足問人雲黃鵠更何疑典型  
父老閒揮涕去後人琴痛弗追

垂訓衰齡觸緒過墨痕暗染淚痕多魂猶戀此遺書在壯  
不如人謂我何萬事廢除徂愛日一生薄祜付頽波哀哀  
噉菽含飴侶終古銜悲廢蓼莪

泊采石

謫仙人去水茫茫千載經過弔酒狂牛渚月高寒浪白龍  
山風急野雲黃北來歲月從秋暮昨夜鄉關入夢長南雁  
若爲傳好語布帆安穩下丹陽

金陵訪唐赤子寓齋盤桓竟日卽事兼簡李炳宸

邂逅逢君意自豪似諧金石飲醇醪旅人久已諳吳語名  
士誰能廢楚騷雲暗六朝龍虎氣臺空五色鳳皇毛風流  
正有青蓮句和曲常同郢雪高

寄陳滄洲

原注甫任山陽  
卽嶺海州牧

聞道分符次第新每逢天語自楓宸  
早請社稷河渠策更與江南草木春  
官閣琴尊閑點筆世閒風雅待扶輪  
樓頭豪氣真能爾壯節征塗愧此身

舟中初度

抱膝歌餘杖策行豈緣腐鼠嚇浮名  
不飛燕領應頭責猶斂蛾眉誤目成  
今日殘編仍北郭向來好句動西清  
升沈有定情何憾歸到滄浪且濯纓

泉石何當遽隱淪  
解歌心事尙輪囷  
生疑星宿纏箕斗  
誰辨雌雄定甲辰  
枳棘未聞巢鸞鷟  
荷衣不似植麒麟  
荒江日靜添高詠  
莫歎煙波負此身

造錄還丹事恍然荒唐每說禹餘天豈知北海珠宮樂只在南華秋水篇吾道鉤絃論曲直物情鑿柄異方圓歸舟自覺投閑好山澤臞儒伴列仙

亭畔勞勞客屢逋側身天地愧桑弧心無住著如行衲跡自淹留類賈胡處士松鱗成偃蓋王孫草色戀平蕪英雄髀骨時堪撫何事悲歌碎唾壺

題爾錫隱翁遺範

一隨猿鶴遯山中白社遺民有素風名位羞稱長樂老衣冠猶識夏黃公愁緣開寶頻興歎道出羲皇不諱窮寂寞典型多歲月雲霄千載憶冥鴻

西湖雜詠

湖岸荒原似北邙獨瞻高塚儼靈光丹楹暗鎖風雲陣碧  
血長留俎豆香松檜寒煙迷石屋魚龍駭浪下錢塘冬青  
葉底悲陵賤歌舞人猶祀鄂王

劉宣筆掛山草堂落成次原韻寄贈

林泉高尚畏人知勅斷浮名未老時達愛莊生齊物論狂  
多阮籍詠懷詩捲簾花氣浮樽入欹枕松風與夢期草閣  
帶江環翠黛遠山春色澹修眉

次和方亮書移居感懷

陸居狂客苦牽船得餽簷楹喜靜便路憶蒼黃經百舍眼  
看憔悴已三年煙花舊夢同雲散骨肉羈棲幸瓦全弱羽  
營巢多未穩幾悲湫隘散榆錢



立錐隨地卜芳鄰今歲甯憂去歲貧肯爲草堂嘖錄事漫  
因脫粟憾平津青松不共韶華脆白首應如邂逅新曲巷  
掩關來剝啄相逢多少下車人

劉瑯白索題尊公遺像

原注公字芝雲楚南耆宿

紫蓋雲開嶽色青高風邈邈想儀形楓林蘭畹幽人宅竹  
杖荷衣處士星漁父花源渾似夢遺民酒社幾時醒巾箱  
賸有奇文在指點滄浪話草亭

羊城感懷

南紀陰墟燭海霞松喬靈窟闕龍蛇巖閒香乳流雲液規  
外繁星帶月華蝴蝶洞留金縷袂蒿蒲澗長紫茸花神羊  
五色遺貞石百穀仙根種最嘉

鯨鯨不遣怒波騰黃木灣前興可乘  
晝幻蜃樓銜白霧夜聽海市亂紅鏐  
數錢螺女疑無數策騎鯨人信有徵  
狼臚遺風原習慣踏潮惟解弄瓜簪

遊海幢寺

雙江浩淼夾汀洲佛閣憑高一望收  
日午榕陰來紫鴿潮回沙影動霜鷗  
虎頭風撼浮蓮塔魚目光搖鎮海樓  
南武霸圖陵谷變垂楊聲老梵宮秋

有感

策馬桑乾去深情不肖言少年輕意  
氣誰繡趙平原

返照

嶺雲穿落日西望似朝暎碎影鋪江  
面晴光入燒痕

漁父詞

榜歌聲出荻花來  
浪蹴斜陽網正開  
生長湘靈蕭瑟地  
不知梧竹爲誰哀

汝州樓居同鶴臯倚眺

俯仰林泉興屢移  
凭闌何事歎淒淒  
遲廣成仙客留連地  
山色崆峒接具茨

濠畔謠

畫舫移來一水香  
朱樓十里舊平康  
長裙散屐風流盡  
翠羽蕭蕭下夕陽

山鵲小鳥度窗紗  
解語離愁少婦家  
盡日江頭望歸櫂  
看殘朱槿四時花

漁船口占

石破龍蛇窟窟開  
頽波聲入吼風雷  
半天浮沫飛晴雪  
抱樹猿吟萬壑哀

曾歌折柳泛春溪  
文鳥雙雙翠羽齊  
重過白茫瀧上望  
碧雲方暮鷓鴣啼

張汝寧玠二首

玠字蔚石號雲汀  
湘潭人康熙己丑  
進士改庶吉士授  
編修出爲汝寧府  
知府

題贈自牧上人

華胄金閨秀  
遺榮避世機  
風塵雙白足  
湖海一緇衣  
到處詩閑賦  
孤征錫健飛  
支公高座上  
談麈共誰揮

尚平遊五嶽此意亦云癡婚嫁待粗畢人生能幾時如忘  
萬物役已與白雲期采采紫芝曲因君動遠思

楊布政紹二首

紹字祇文號藥山武陵人康熙己丑進士授內閣  
中書少孤鞠於祖母通籍後陳請歸養十餘年服  
闋授六合令調吳縣令升松江知府擢驛鹽道晉  
山東按察使升直隸布政使有成趣園詩稿藥山  
爲長蒼先生諸孫文敏公其弟之子也

舟過星沙卽事

未曉推蓬起乘風破浪花水光天外合帆影望中斜世事  
渾無定吾生豈有涯斗牛應不遠便擬泛仙槎

星沙返棹

塔影中流急，歸舟趁月明。  
蛟龍安窟宅，燈火出江城。  
高閣鐘聲遠，深宵暑氣平。  
風波都歷盡，一枕夢魂清。

敬進士藿一首

藿字子藿，一字宏烈，邵陽人。康熙癸巳進士。雍正丁未，詔各舉所知。巴陵黃編修秀以先生名應辭，不就。子藿刻苦自厲，成進士後，以終養乞歸家。居授徒，自給郡邑。罕識其面。丁未之役，舉者以恬澹自甘，狷介有守，上聞，卒辭不赴。其風節如此。詩不多見，僅存一首。

答贈鄒怡先

世事升沈不敢談一編卒歲自能甘力耕負郭輸顏巷淨  
埽低垣傍邵庵攜得清風忘盛暑載吟佳句似全酣年來  
浪買臙脂筆驟喜鴛鴦譜乍諧

車隰州敏來一首

敏來字遜躬號望亭邵陽人康熙癸巳進士編修  
鼎晉子成進士後留京充教習特旨與選入詩  
經館纂修期滿御試第一除廣東新會令引見  
仁廟問祖父官階邑里甚悉雍正改元運銅至  
京以薦改官山西世宗特召至榻前訓勉諄諄  
賜貂皮克食補安邑令所至有異政遷保德州牧  
父憂服闋改補隰州大書其聽事曰勿作子孫計

是爲父母官詩不多作著有偶然草佚今止存應  
制一首

賦得暖日亭臯物色繁

曛曛佳氣日初晴送暖春風檻外生輕絮鋪壇方有蝶繁  
華簇繡不離鶯桑雲靄布青疇濶麥浪翻開綠野明自是  
物華涵聖澤謳歌到處太平聲



沅湘耆舊集卷第六十二

新化鄧顯鶴湘臯編輯

長沙毛國翰青垣校訂

張文登文炳 五十三首

文炳字質夫號南麓湘潭人康熙丁卯舉人仙居  
文登知縣有隣獄堂集二十卷南麓先世居襄陽  
其世父嘉宦從何文烈公騰蛟軍積功至都督同  
知文烈殉難湘潭都督收其尸藁葬於潭乃散遣  
部曲獨守墓側不去都督無子以南麓爲子遂占  
籍爲湘潭人潭人呼之爲新張凡新張之能文而  
通顯者皆先生後也先生早負大名所爲詩甚多

新城諸老嘗亟稱之張氏盛時門庭赫奕門才之  
盛甲於湖湘幾於七葉之中人人有集自仙居以  
下見是集者凡二十一人蓋其表治相承耳濡目  
染淵源爲有自云王莽山史序賈夫地寒交寡獨  
爲尋章摘句一知半解一日予手所授詩進吾宗  
新城先生讀至終篇筆署曰排宋入唐追蹤老杜  
卽本朝三家亦避席何况餘子  
自是論出爲質夫名振騷壇矣

### 泊斗鹽

惡灘石盤拏臥立羅碾白水激無安流曲折穿竇走硯頑  
不受鑿工匠側日久云有鬼神司日夜潛蛟吼舟師探微  
汎捷便篙在手眼花誤一觸舴艋浮敝筍記來湘上遊五  
年經過久豈不戒臨淵世亂命如狗驚定宿斗鹽謾謾風

生肘吹赴蓬萊顛方壺謁眉叟揖讓碧玉堂四面開戶牖  
錯落九圍觴儼珍麟鳳剖侍立皆方瞳跪進桃如斗須臾  
雲璈張音律世希有顧謂島上軒堪子讀書否清福非敢  
期願錫中山酒醕然到太平奉親還故畝致我堯舜君求  
我皐夔友志大恐難酬長歌答瓊玖白月爛天衢江聲鳴  
耳右悠悠同泊人誰是君平後

茅齋書懷

雪淨山屐通茅齋起獨寤林壑上旭日冬春氣迴互陶然  
展古書俯仰生愜慕經濟喪名法氣節衰章句老生腹干  
卷取給一無具旨哉隆中人大要領其趣得時則伊呂不  
爾卽卞務胡爲咄咄夫而辱處士數慚媿鬱輪袍捷徑非

故步不見鴻鵠羣稻梁逐雞驚朝陽有鳴鳳乃在梧桐樹  
嶽路

朝氣林麓爽幽討露未晞耳目漸精細空響生清機祝融  
半頂霞爛漫揚靈輝可望不可卽中道憩翠微巖巖亭畔  
石璫駁字依稀指點念後來路是遊人非感茲一往前松  
風聲吹衣

文松篇和李穆庵司馬原韻

有引

秦松出成山諸島嶼土人剝石移之百一乙活者此乞  
白林生植薰家葢邑賽先輩故物得之三十年賽以上  
難更僕述矣呈之司馬聽事大加歎賞易文松名賦五  
言古寵之余讀司馬詩得其用情之正有不能已於書

者遂忘其謏劣爲悲喜二章和之

扶輿鼓大化餘力斲海島吁嗟成山松異產志莫考昂藏  
參天性假蹇盈尺小霜皮青銅顏意態橫四表失勢托陰  
崖因依但禽鳥日夕接泐濤虬龍氣虛矯磊砢寸土滋雨  
露同辛蓼梁棟旣遭材匠石誰兒寶搜奇供清玩拙樸非  
纖巧移送翰墨林精靈互相保易名得所宜蟠根茲不老  
祖龍朝百靈十洲盛瑤島骨朽三千年茲松獨壽考我公  
神仙人齊物無大小益卉別貞幹品題皆意表方諸詭蠟  
蛛曜靈冒烏烏荒唐不經談正名弊斯矯抗節比冬篁飲  
和異秋蓼寂寞眞感知慘澹甯懷寶庶免霜雪威不露文  
章巧遠志小草材藥籠後木寶散逸時或求秀發那便老

靈蕉

縣北二里許有招提曰最勝植蕉二本垂八十年今夏始花遊人山集以其不常見也感而賦詩

靈蕉賦殊種鳳尾文其名挺幹兩尺強秀葉蘭蕙成朝旭影扶疏雨露含淒清已足供幽賞況乃吐奇英似華復類實辦若松花生照眼金盤陀結構浮屠精中出無附葩浹旬開始成蜂蝶希見過烏鼠莫敢瞻觀者日千數驚詫不能評我亦重歎賞竟日坐簷楹怪彼草木末乃與造化爭方今炎暑令燦金火勢橫羣芳避鍛鍊殺物無重輕汝姿既超異後時且崢嶸保無斧斤患而撓願盼情歎久儻致辭公論失持平天地有大德栽培傾置并桃李喪輕薄松

柏全堅貞富貴早春謝纔逸晚秋呈至道枉因材豈曰無  
權衡繫我園中蕉植自萬厯正及茲八十年蓄極一敷榮  
灌溉厚土膏冰雪飽孤莖瑞踰大同芝貴比江都瓊以之  
獻 聖朝豈必非國楨名言信可寶會心別有榮修德祥  
桑死指佞屈軼萌誰實主斯蕉守土與有聲願言任太和  
憂盛而危明

易舟

一身等脫葉飄泊境屢遷八日渡黃河板閘更移船入艙  
婦女聲鄉思紛糾纏敢爲兒女腸家園固所天綦綯共藜  
藿貧賤本陶然胡爲慕高爵萬里走窮燕長涕謝京華乃  
歌行邁篇陸地苦塵沙舟楫風濤前人生云幾何憂樂狀

萬千浩歌返故山荷鋤有薄田

仲春中丞丁泰巖詩見招遍遊嶽麓諸名勝長句紀

事

原注公名思孔遼東廣寧人壬辰進士

雲麓離奇插天碧混沌以來巨靈擘七星河漢應手探五  
嶽崑崙比肩拍清湘一縷瀉涓滴滄海兩丸飛白赤喬松  
拔地八千樹峭壁籠煙五萬尺四時爽氣度江渚二月和  
風到遊屐畫繞宛轉水陸洲寶馬絡繹龍灣陌行春中丞  
正艤棹脫略車從常岸幘翠微格磔鳥呼旭吹香綽約花  
迎客低徊坐拂李碑字陵緬追持道鄉策工部禪房句太  
古晦翁講院書猶積乃知大人屨紛糾實有孤懷求古昔  
倚蘭亭曠小裁句流觴曲水微傾液賈勇還問烟拖船探



奇尙論指鐫石虞夏文章煥星日神聖功名起竹帛息久  
默識精遙契歸遲歷覽心方適白鶴泉長自委宛簪簪節  
老偏奇特念佛鳥棲林木香銜花鹿過蘚苔澤百年勝事  
幾登覽竟日名山眞愛惜授簡慚非座上才搜枯頗抱詩  
中癖何時重跋執鞭鐙側聽豪吟金玉擲

沿冰行

庚午臈月正感雪黃河千里水凍截我來熒澤尙晨飯脫  
羈寂坐愁紛結廣文葉遠官最冷綈袍范叔腸偏熱千錢  
不惜罄盤案一醉誰能禁饕餮興狂縱步看河冰滿目光  
芒亂飄瞥聳者屹如水晶座坦若瓊階封玉屑鶴湖鷗渚  
斂光豔珠海瑤池同皎潔洛神幽閉支祁倒河伯陽侯神

力竭蛟龍失勢不得展况乃鯨鯢與龜鼈渡頭來往何紛  
沓驚聽沿冰怪不輟老翁藉草扶杖去少壯擔負手還挈  
中閒婦女笑且顰連袂牽裳妨滑跌北方橐駝如堵牆肉  
鞍礧礧吐長圖一荷千斤十夫力騰身直上殊猛絕軒車  
後先來絡繹大引八牛小四驥車上健兒長鞭掉雲飛電  
閃無停轍哄嘈人語那得聞忽有悲歌來激烈自從生長  
大河邊出廬日夜憂漂折今年托汝慶安瀾俯仰得非神  
鬼設卽今大農河工重日費斗金憂聖哲淇園竹盡栽柳  
罄持插人夫萬手裂沈牛賽壁樂埽台沙地迴看旋水決  
安得此冰終古凝鑿渠建閘無崩缺內帑不支徭役罷兩  
河赤子皆完顧野人憂國計誠愚儒生詫異眼光鼎立

朔風吹衣單歸來殘杓還羅列明朝驅馬沿冰行惆悵未  
與廣文別

銅雀臺

歲云暮矣冰不開豐樂渡改銅雀臺衰草亂石道路澀日  
光黯慘悲風來黃塵白沙不復辨遊子鞭夫爭掩面狐狸  
豎足作人行楊條撇擊如酣戰我聞臺建時雀身高丈五  
左右兩羽翼火井與金虎氣勢軒舉凌蒼穹俯覩六合指  
掌中橫槊賦詩列高宴一門父子何豪雄業成身爲文王  
足故漢將軍名不辱總帳歌吹望西陵百年猶上斯臺宿  
丈夫英爽自不朽區區文字曾何有不見甕牖著書人窮  
愁死骨還酸辛

棗林間喜漲同蕭見龍廖于衡詹凱三邱碧上羅鄴

先廖浴芳作

運渠漲急防初罷  
舸艚日午乘流下  
柳青舊染新  
築隄水白大湖小  
湖汊覆茅夾竹聚  
人煙生平識水不  
識田闌風伏雨長  
宿莽沙鷗散盡鷓  
鴒喧二月三月魚  
族繁沈網一擊湖  
水渾小兒跣足攜  
魚賣小女濕舟還  
入邨我來貰魚更  
沽酒拂膾趺坐酌  
大斗耳熱烏烏歌  
在口輕肥眼底亦  
何有三日百里苦  
淹纏開口一板數  
十錢仰天大笑謝  
吏吏吾徒出處煩  
公輩

望廬山作

楚江東下鄱湖落  
名山突起勢磅礴  
莊嚴直與泰華齊

塞蒼穹礙廣莫行雲欲盡日騰上半頂陰晴互吞蕩或如  
螺髻或朱衣變化倏忽皆殊象低昂石骨斷復連洞天瀑  
布懸中邊多猿挂壁鳥飛墮輪菌藤樹相糾纏五老遙望  
隔芳洲九龍萬杉紛誰畱眼前匡廬面目不可識安事千  
年靈秘竹隱之搜求我生七十二峯客燕趙梁齊遍足跡  
茲來牽犁附商舟指點虛無徒歎惜神仙邂逅豈尋常風  
塵歲月學易荒何時買棹尋白鹿還闕文公舊講堂

### 小麥港

麥港通仙里憐余生長村田廬多日別父老幾人存亂定  
迷桃洞江清認鹿門相邀鵬髮叟沙際話黃昏

### 螺山阻風羅櫓一過舟小飲

滿抱石尤憾來過幸有人開樽憐故里撫劍問前身鳬雁  
呼曹冷蛟龍聚族親我生湖海客忠信謝江神

湖口

岸遠地無勢風長水有聲乾坤湖一角歲月客孤征彭蠡  
望難及匡廬夢欲成我生青草客飄泊念斯名

雪歸草堂

歲晚嗟行路風嚴雪打肩鴉聲山木碎狸跡澗冰圓計拙  
勞何補途長賤自憐空房藜榻在攜幼正蕭然

三山夾

帆落吳天暮三山夾外人蘆深蛟聚族洲近鳥比隣獨坐  
鐙火微吟過鬼神江湖多異夢今夕不眠身

同陳北溟飲梁墀試園

白注園爲余  
蒙竹館地

董生園久閉蒼苔卜築多君數往迴  
壓架藤鋪新綠徧  
蓮花綴小紅來埋名誰識東方藥  
愛客偏饒北海杯  
爛醉賦詩才自捷  
片雲頭上漫相催

送陳公遠歸安陸

江楓紅綻水初平  
送客沙棠一葦輕  
名士往來關世道  
故人離合見交情  
雲深嶽麓題詩寺  
秋滿巴陵貰酒城  
歸到莫愁山路黑  
叩門僮僕正歡迎

立秋前一夕家雲客過宿望嶽林

野寺張燈夜氣清  
先秋人到更移情  
捲書窗度梧桐月  
把酒門支蟋蟀更  
十載同攜平子賦  
一門今重開江名良宵

未負姜家被破浪明朝白舫輕

洞庭月泛

平湖七月儼涼秋不夜帆檣穩趁流萬里碧空涵巨浸百  
年青草落扁舟樓臺隱現蛟龍語環珮從容帝子遊便擬  
巴陵漉斗酒君山飛看一螺浮

黃鶴樓

最是牢騷難遣處浩然江上一登臺連天雲氣雙峯合動  
地濤聲七澤來賦就浪傳鸚鵡手詩窮誰識鳳皇才鄉園  
南望無多路歸去黃花次第開

仙關

自注入九  
仙觀路

絕壑深穿水數盤仙關天敞碧雲端風來石穴雙門迴徑



入松陰七月寒雞犬人家閒白日煙霞事業老黃冠悠然  
隔斷塵凡路笑指蓬萊到未難

九仙觀次郭素仲世兄韻

自注有九仙飛昇壇

畫棟朱題儼玉清仙人遺跡一壇平林深採藥通三島夜  
靜吹簫接五城石壁雲過翻鶴影礪門松老作濤聲移情  
未覺芒屨遠飽飯青精帶月行

贈諾上人住曉霞峯

松關曾識已公房振錫新開選佛場峯峻天花容易落秋  
高芋子最先嘗逃塵支遁添蘭若習靜曇摩罷海航好種  
雙株追舊跡三車容我載書狂

同郭季璠遊曉霞峯海月寺因憶阿諾上人

東來嶽氣靄江鄉，積翠空濛認雁堂。  
捫路有獅蹲絕頂，過溪無虎送諸方。  
木犀風細搖金粟，簷蔔霜深失異香。  
清絕名山人到少，蛩聲浙浙午生涼。

離離草徑石泉淙，古寺寒煙澹客容。  
踞坐海騰千丈月，看經人老六朝松。  
扁舟自具秋來興，折角還畱雨後蹤。  
寂寞支公禮榻在，題詩愁殺曉霞峯。

霧登祝融峯望日臺

萬里遙空一氣真，乾坤搔首此孤亭。  
帝教洪水開文字，身到層霄問曜靈。  
靄霧直如今日事，和歌常覺古人聽。  
銀潢有石閒堪賞，下界誰占犯斗星。

下丹霞寺

名嶽常懸直遂過停輿山半叩煙蘿秦灰基址蝸牛裏  
日鐘縣野馬多選勝客啜閒筆墨聚書人指舊巖阿浮生  
此處聊僧話呼婦寒鳩奈爾何

方廣寺

自注相傳西僧梁海住此有五龍  
聽經以鉢送潭下又洗衲石鐫字

何年尊者闢荒榛  
瓣瓣蓮峯入望清  
洗衲石從溪下湧  
聞經龍向鉢中行  
千門丹碧繁僧海  
一壑青葱擁化城  
安得西來人再現  
蒲團爲我話無生

宿天台贈鐸庵上人

天台開士遠公流  
款客鑽林話未休  
眉宇靜飛雲霧氣  
機鋒深觸鬼神愁  
毘盧有穴容龍象  
車轍何人轉石牛  
坐到三更鐙欲盡  
妙高呼出月如鉤

雨霽劉舜五總戎買舟偕羅子鄴先劉子希介亦濂  
遊西湖作

舟窮路折接崔嵬萬軸千巖一幃開石壁佛閒花散雨洞  
門龍老夜轟雷百年身世消清磬三月湖天熟早梅嬾殺  
黃鸝唬不得冷泉亭上卻飛來

萍鄉道中

層巒如戟擁孤城亂定猶聞話戰爭夜雪鵝衝元濟帳秋  
風鶴報謝平兵蓋來茅屋新充戶荒盡山田尙畱耕何事  
子遺悲較甚鄰封連歲失西成

荒原景物但離離歲歉經過目轉迷卜宿鳩巢唬故婦墜  
崖猿背泣孤兒圖成南國監門遠粟朽西京汲黯誰太息

淚來還強飲書生原不合傷時

歸館雨作索一卷不得悵然有寄

簷風乍急雨聲連飄忽身疑泛海邊四壁真成司馬宅一  
牀虛度子雲年情深秘閣書如命望斷終朝突不煙未信  
先生無暇刻重來休遣使空旋

六月十九謁海剛峯祠和陳滄洲壁間韻

日聽歡迎刺史裳瓊州祠下步斜陽正思鵬隼生前氣誰  
縱蛟螭夜半光曠世師資懸史冊百年主眷在冰霜低頭  
老大還成拜建節何如且種桑

漫從風憲歎無雙聖主恩波此地長可但孝廉功獨茂  
况兼詞賦遇非常天清木末棠堪植月好金陵鳳並翔消

受故人他日路三湘南海說齊芳

滄洲蒞信安任三日甘霖大沛爲之志喜

幃帷纔駐急興情赤日青衢躡履行主祀牘添新刺史焚  
香淚落舊蒼生身從天上爭民命帝爲江南表更名坐  
看銀潢傾倒下一時秋水欲平城

不斷簷流靄積陰歡聲萬戶午沈沈鄭洪早見親行部傳  
說終期大作霖階靜一泓堪鶴浴江清千尺有龍吟偶來  
傳得天人訣自注晚論積誠動天感名須臾但此心

唐赤子追送石城畱別一首

清涼山轉石頭城

自注赤子寓吳四年云力至此

覽勝猶還送客行吳地

自來多別憾楚人終古重離情兼旬片事堪娛熟萬里孤

隨寶劍明旅食有閒應琢句北來鴻好慰張衡

八月廿六日蟠灘判事畢有簡

數椽聽事擁官民肺石當空照膽真自信金來無暮夜誰  
云筆落有陽春請張人挾如簧口險阻天嘗百鍊身東望  
仗公同調在談心今夕到朱輪

正月十九日期王秋史杜馥溪不至

簷雀屢噪客不至寂坐疑慮交橫生豈有將軍畏人識卻  
防學士怯險行糟牀玉注香潑潑墨池冰泮文庚庚急捉  
大戶入酒國會擁偏師攻詩城

正月二十三日喜秋史過訪

海岸春遲柳未生寂寥門館暮煙橫馬蹏卻肯衝泥過屐

齒還能破薛迎白酒緩商衰鬢計青山寒隔早鶯聲漁洋  
不作扶輪少何限山東李白情

白注公昔以拙集質阮亭先生蒙加特賞

悼內詩

清江流不到山村幽事無心向閉門荆布竟甘貧婦往壺  
觴真媿酒人桴階閒鶴只孤清影樹密蟬皆不化魂雅嗜  
生平鷗茗在竹爐仍著六時溫

最憐兵燹共艱虞異縣依人宅一區

自注甲寅避居上湘八年愁筆墨

多吾少賤嫁衣裳盡爾清癯干戈杜甫攜家似松菊陶潛  
入室殊苦樂後生偏不驗終身拂亂一庸夫

可惜無成好伴分他時燈火誤慙懃辟纁福總妨廉士制  
肉仁難及細君五夜夢回驚對語百年緣盡憾離羣物



請察呢喃燕巢就雙棲亦自欣

何可蓬蒿路久違腐儒家計尙柴扉園桃澗竹愁中補酒  
椀詩瓢別後非丸膽教虛公綽婦旨甘憂到老萊衣紛紛  
欲盡人閒事地下還能一解圍

春日麓江讌集謀構杜陵草堂於嶽麓寺右時同事  
者爲徐弼明趙念昔蔣幼李王孔嘉沈余山夏仙李  
淇瞻禹書陶奉長天石陳獻元程衡若徐半霞曹鳴  
珮暨吾邑劉五原曾虹受馬自超張錫田豈石蔚石  
昆石寺僧阿諾二十三人

近江園坐芷蘭香隔岸雲峯碧漢長清絕湖南天萬古數  
來名下士三湘耽幽句聽黃鸝外攬勝堂占白社傍薄暮

澹紅含獨樹空明先對浣花莊

天氣佳連九十春招攜有約及芳晨難忘麓寺題詩客一

聚湘江弔古人新月荒亭呼酒地夕陽花嶼著書身名山

大業公如在竹杖滄浪許問津

劉克猷先生故里

萬頃平波望草堂澹雲微日晚蒼蒼江身漸東當全楚山

勢遙奔入大梁

自注山下入里梁卽河南地

渚外帆移如過鳥蘆中人

語閒鳴榔百年上第文章在指點憑誰寄瓣香

方廣道中

半藉肩輿半杖藜曉風吹霧嶽初齊雙鴻小雉矜新羽轉

回青林故故曉

萬疊青光眼底生平原十里又山行須彌寺口茶亭僻不  
似遊人雅遯聲

白梅和陳北溟韻

一溪清淺抱寒光雅潔如披太古霜晚歲幽棲生事少青  
鞵許我看花忙

堅寒呼酒對南窗村月人家吠小厖幾度玉簫吹不得亂  
鴉搖影過湘江

沈湘耆舊集卷第六十二終